

Disfertatio Juridica

De

FIDE JUSSORIBUS,

Quam

FAVENTE NUMINE.

& permiffu

Magnifici Jctorum Ordinis

In

Celeberrimâ ad Albim Academiâ

PRÆSIDE

DN. CASPARO ZIEGLERO.

Philosoph. & J. U. D. P. P. Facultatis juridicæ & Scabinatus Afseffore ac p. t. Decano, Præceptore atq; Promotore fuo nunquam non venerando.

Placidæ ventilationi fubmittit.

FRANCISCUS HERMANNI Stralfunda

Pomer.

Die *Majj hâris antemerid.*

WITTEBERGÆ

Typis JOHANNIS RÖHNERT ACADEMIÆ TYPOGRAPHI.

ANNO 1657.



VIRIS

Magnificis, Amplissimis, Consultissimis & Spectatissimis,

D.D.D. CONSULIBUS,

D.D. SYNDICIS,

D.D.D. SENATORIBUS,

D. PROTONOTARIO &

D. SECRETARIO.

Civitatis Anseaticæ Stralsundensis

Dominis suis & Patronis

ætatem colendis

*Dissertationem hanc juridicam in debita
observantia signum, nec non suis suorum,
commendationem Offert, Consecrat*

N. N. N. & A. A. A. V. V. V. devotissimus & humillimus Cliens.

FRANCISCUS HERMANNI

A & R.

Um etiam in illis quæ ad vitæ
 adminiculum & necessitates sublevan-
 das spectent, opus habeamus aliorum
 communicationibus, sit sapius, utiis,
 quibus domi res augustissima, & magna
 opum vis affulget, vel aliàs magnæ autoritatis sunt,
 supplicandum sit, vel ut angustiis nostris occurrant suâ
 abundantia, vel ut id officii ab aliis præstetur fide & in-
 terventione suâ id procurare satagant. quos quidem ex
 mutuo Creditores, hos Fidejussores appellare amamus;
 hic de fidejussoribus titulus cum nullâ egeat commen-
 datione, sed se ipsum propter frequentiam, utilitatem
 & necessitatem suam ostendat, hinc missâ circuitione
 rem hanc aggrediar, quam ut felicitet ex alto Numen,
 id rite invoco. Sit ergo,

§. 1. Fidejussoris nomen aliquando latius patet, sumi-
 turque; tum pro omni, qui alienam subit obligationem; quâ ratio-
 ne Mandatum, Constitutum, Ex promissionem & Pignus com-
 prehendit *l. 53. ff. de Contrah. emp.* Propriè denotat eum, qui pro
 debitore Principali per stipulationem suo nomine se obligat
 citra novationem. *Cujac. in parat. de fidej.* Dicitur alias Ap-
 promissor *l. 64. §. 4. solut. Matr.* sic dictus quod idem cum reo
 principali promittat. *l. 5. §. 2. ff. de V. O. l. 43. de solut.* & passim
 Sponsor. *Senec. lib. 3. de Benef. 15. arg. N. 4. in rubric.*

§. 2. Definitur quod sit persona, quæ obligationem al-
 terius per stipulationem in suam fidem majoris securitatis ergo
 in subsidium recipit. & Fidejussio est contractus verbalis alienæ
 obligationi in majorem securitatem accedens. *l. 1. ff. qui satis*

larc. cogunt. l. 1. §. 8. ff. de O. G. d. l. 5. §. 2. ff. de V. O. §. ult. J. de Replicat.

§. 3. Differt verò fidejussor ab Expromissore, hic enim idem cum alto non promittit, nec obligationi alienæ accedit, sed alienam obligationem per novationem in se suscipit, liberato reo, anteo homine non obligato, cum tamen obligari deberet *l. 37. in fin. de oper. libert. l. 104. ff. de V. obl. l. 53. ff. de contr. ab. empr.* Sic etiam differt à Mandatore, fidejussio enim stipulatione, mandatum verò solo consensu contrahitur *l. 1. ff. mandat.* deinde ratione constitutionis differitas est Mandator obligationem semper præcedit *l. 12. §. 14. ff. Mandat.* Fidejussor vero & præcedit & sequitur *l. 6. §. 2. ff. h. r.* deniq; mandati actio est bonæ fidei. §. 28. J. de act. fidejussionis autem stricti juris *Rittersb. ad §. 28. J. de Act.* In effectu tamen inter hosce nihil interest, uterq; enim obligatur, accedit quod inter Fidejussorem ac eum pro quo quis fidejussit nascatur actio mandati. *idem ad Novell. part. 3. C. 2. n. 11.* Differt à Constitutæ pecuniæ reo, quippe qui se debitam pecuniam soluturum nudo pacto constituit §. 9. *Inst. de Act.* & constitutum hoc verbis quibuslibet peragitur & etiam inter absentes consistit. d. §. 9. l. 1. 4. §. ult. ff. de const. pecun.

§. 4. Operæ autem pretium me facturum arbitror si præmittam fidejussionem nec Divino nec Gentium jure esse prohibitam. Jure Divino ea probatur *Ecclesiast. XXIX. 19. Philem. v. 18, 19.* Gentium verò quod commercia & contractus, qui per id introducti, promoveat fidejussio potissimum *arg. l. 24. §. 1. ff. de minorib. add. l. 5. ff. de J. & jure.* Quod vero Pellicanus, aliiq; textibus è Jure Divino petitis hoc fidejubendi officium improbare velint sapientumq; Gentilium in fidejussores censuram urgeant, id inutilitatem s. temeritatem saltem spondendi arguit, & proximum esse fidejubenti periculum ostendit, minime vero usum rei rectum dissuadet.

§. 5. Causa efficiens sive subjectum fidejussionis est maxime voluntas fidejubentis; Hinc fidejussor nemo constitui potest, qui in illud vinculum non sponte consenserit *arg. l. 1. §. 2. ff. de pact. l. 14. §. 6. ff. quod met. caus.* Consensus autem hic requi.

requiritur expressus per interrogationem & congruam responsionem elicitus, & ad omnem contractum verbalem necessarius. Nuda vero aut iactabunda commendatio non inducit fidejussionem nec per se est mandatum *l.12. §.12. ff. mand. Treutl. Vol.2. Diss.28 §.4. l.1. d.* neq; qui consilium dedit tenetur *l.47. de R. J.* Nullus ex consilio *de R. Jur. in 610. l.37. ff. de dolo mal.* locus si fuerit fraudulentum.

§. 6. Jura cum vigilantibus non dormienti subveniant, *l.24. ff. qua in fraud. Cred.* Creditoris erit cavere ne in fidejussorem minus idoneum consentiat, semel enim approbatus rejici nequit, *l.3. in fin. ff. b. r.* & praesumitur Creditor scivisse fidejussoris qualitatem cum eum acciperet, proinde si non inquisiverit optimojure somnolentiae suae feret poenam, non minus ac is qui ab initio vitiosas ades conduxit. *Hering. in tract. de fidejuss. C.8. n.17. & in l.3. §. 3 ff. ut inpossess. legator.* dicitur, si semel fuerit satisfactum, quaesitum est, an etiam rursus cavendum sit si forte egenos fidejussores dicatur esse datos, & magis est ut caveri non debeat.

§. 7. Inidoneus autem Fidejussor tam ex difficultate conveniendi, quam ex re & opibus aestimatur. *l.2. in princ. ff. qui satisd. cogunt.* ut ille qui privilegio fori est tutus *l.7. ff. eod.* & aliam justam habet exceptionem *l.66. ff. de R. J.* Hinc si debitor Creditori suo Nobiles potentes qui arces in expugnabiles inhabitant *l.3. ff. ad L. jul. Majest.* pro fidejussoribus dare velit, hoc sane calu non solum Creditoris conditio durissima redditur, verum illi ipsi pro idoneis fidejussoribus non reputantur *Hering. C.8. n.130.* Olim arbitrad probandum dabatur Schnobel. *Disputat. ff.23. §.4.* à cujus sententià tamen si iniqua esset, appellare licebat *l.9.10. ff. qui satisd. cog.* solebant etiam debitores cavere, se idoneos daturos fidejussores, qui, si verbis fidem non fecerant, actione de dolo tenebantur *l.43. §.3. ff. de furt.* Hodie dijudicatio illa ab ipso judice expeditur. *d. Aut. C.8. n.4. & 36.*

§. 8. Fortuna autem cum adeo sit fallax ut nunquam in eodem gradu subsistat, quod & testatur *Senec. l.1. Epist. Ep.8. in fine.* Non est tuum fortuna quod fecit tuum; evenit ut

fidejussor ab initio quidem satis idoneus & locuples, medio tempore rem familiarem inopinato fortunæ impetu amittat, hoc casu, causâ cognitâ Creditori ex integro erit satisfaciendum, l.4. ff. ut in poss. leger. l.10. §.1. in fine. ff. qui satis d. cog. non enim sufficit satisfieri, si cautum non perseveret l.20. §.14. ff. de oper. nov. nunc. l.1. §.7. ff. quod leg.

§.9. Cæterum recte fidejudent quibus jus est stipulandi *Treut. vol.2. Disp.28. §.2.* siue sint Patres familias siue filii. l.10. §.1. ff. h. t. l.8. C. b. t. l.3. §.9. ff. de pecul. §.6. J. de inutil. stipul. Verùm cum fidejussionis contractus non consensum tantùm exigat contrahentium, sed tacitum etiam ferat damnum, in hoc, quod fidejussor si Principalis non sit solvendo, teneatur. §. ult. J. de Repl. in fine l.1. §.8. ff. de O. & A. non immeritò quidam ab hoc contractu arcentur. Arcentur autem præcipuè Infantes. §.10. J. de inutil. stipul. l.1. ff. de V. O. cum nec scire neq; decernere talium ætas possit l.9. ff. de acquir. hered. Imò quod videt ignoret, l.1. §. impuberes, C. de fals. monet. Furiosi §.8. J. de inutil. stipul. l.1. §.12. ff. de O. & A. cum nullum negotium gerere possint. l.70. §.4. ff. h. t. l.22. ff. §.7. solut. Matrim. & sietè sint pro mortuis l.24. §.1. ff. rem ratam hab. Intelliguntur autem tales qui continuâ mentis alienatione omnî intellectu carent l.13. ff. de off. præf. nam si dilucida intervalla habuerint, quicquid medio tempore (quo furor intermissus) contraxerint, ratum erit d. l. 12 l.2. C. de contrach. empt.

§.10. Furiosis non ineptè comparantur ebrii. C.5. dist.35. can. Janè, 15. q.1. & ex Ludovico Viv. Hering. c.7. n.174. refert. plus esse mentis in seie aut cane quam in ebriis. exindè allegantes ebrietatem & debito modo probantes, se initi contractus tempore penitus ebrios fuisse, non tenentur, idem ex Baldo c.7. n.28. Nino v. discussio si sententiam suam ratificent, contractus erit validus; cum rati habito retrorahatur, & mandato comparatur. l.12. §. ult. l.49. §. ratam. l.71. §.2. ff. de solut. Annumerantur his & prodigi, qui cum neq; finem neq; modum expensarum habent, & bona sua dilapidando & dissipando profundunt, Ulpianus l.1. ff. de curat. furios. promittendo non obligantur. l.6. ff. de V. obl. l.40. d. R. J.

§. 11. Sic etiam pro fidejussoribus ad hiberi non possunt Pupillus & Minor. Pupillus enim infans neq; stipulari neq; promittere potest ne quidem Tutore auctore. *l. 70. in f. ff. de V. Obl. §. 9. Inst. de Inur. stip. l. 1. §. 2. circa fin. ff. de Administ. Tutor. Rittersb. ad §. mutuum. 7. de mutui stip. Ludwel. §. 9. 7. eod. p.* Cum verò infantiam egressus est idem de jure stricto dicendum, quia ipse quid agat non intelligit; Propter benigniorem tamen interpretationem stipulari & sibi acquirere potest. *d. §. 9. l. 6. ff. rem pupilli salu. fore.* Pubertati proximus omne negotium recte gerit, sed ita, ut alios quidem sibi obligare etiam sine Tutoris auctoritate possit, ipse vero alijs obligari non possit nisi Tutore auctore. *l. 1. C. de inutilibus stip. De minore est l. 3. C. de restit. in integr.* hic enim absq; consensu curatoris non obligatur, si verò in rem suam fidejubeat, vel pro parente carceribus in cluso, his casibus eundem restitutionis auxilio non juvari recte tradunt DD. *Trentl. vol. 2. Disp. 28. §. 2. l. A.*

§. 12. Mulieres cum naturali quodam vitio imprudentiores sint viris, earumq; contra propria commoda laboret consilium *l. 4. C. in fine de spons.* propter S. C. Vellejani beneficium pro iis introductum fidejubere ferè nequeunt, *princ. ff. ad S. C. Vellej.* Sed cum juri pro se introducto quilibet possit renunciare *l. 51. C. de Episcop. & Cler. l. 29. C. de pactis* Mulier si de jure suo specialiter informata & certiorata sit, huicq; renuncians fidejusserit, ipso jure tenetur. *l. ult. §. 4. ad S. C. Vellej l. 21. C. b. t.* non attento an in judicio vel extra judicium renunciatio facta sit: potius enim pertinaciæ suæ poenam luat quæ de jure edocta suo, privilegio competenti renunciat. *Ungep. Exerc. Jus. 15. c. 8. in Ajo.* Porro etiam absq; renunciatione mulier tenetur si decipiendi animo intercesserit *l. 30. ff. d. t. l. 18. C. eod.* jura enim deceptis, non decipientibus opitulantur. *l. 2. §. 3. ff. eod.* tum etiam regula Vellejana, fallit in muliere quæ pro intercessione pecuniam accepit, illa enim omni modo tenetur *l. 23. §. 1. C. eod.*

§. 13. Obligatio cum in personam servi non cadat *l. 32. l. 107. ff. de Reg. 7. fidejussionis contractui servus accedere non poterit, interim tamen si quid solutum sit peculiotenus tantum valet l. 19. ff. de fidej modo ex causâ peculiari fidejusserit, alias nec*
de pe-

de peculio quidem tenebitur dominus *l. 3. §. 5. & 6. de pecul. d. l. 19. de fidej. cum servus conditionem Domini deteriorem facere nequeat l. 133. de R. J. Neq; Miles idoneus censetur; is enim cum propriæ munij insudare militiæ debeat l. 15. C. de Re militari libr. 12. & forensibus obstrictus negotijs à studio militiæ avocetur, in privatis civium utilitates & negocia subtrahendus non est, *N. l. 16. in princ. restringitur tamen, nisi quis fidejusserit antequam militiæ adscriptus sit, hic enim fidejussione non solvitur arg. l. 4. §. 8. ff. de Re milit. Armato ob similitudinem rogatus comparatur miles Clericus. Hic enim cum divino ministerio consecratus sit, ab externarum rerum molestiis & occupationibus liber esse debet, & proinde nec ipse fidejubere promiscuè potest c. 4. X. b. r. c. tequidem. n. q. n. adeò, ut si quis Judex Clericum fidejussorem approbaverit, pœnam incurrat, *N. 123. C. 6. in fine.***

§. 14. Mutus verò & surdus non ex defectu Voluntatis aut lege prohibente, sed ob ipsam contractus naturam fidejubere nequeunt, sicut enim iste verbis stipulanti respondere nequit, ita hic verba interrogantis non exaudit §. 7. *Inst. de in re stipul. q. vorum utrumq; in stipulatione requiri juris est apertissimi l. 1. ff. d. V. Obl. l. 1. §. finat. d. ob & A. Hodie tamen dum stipulationum jura à foro propemodum recesserunt Mutum & Surdum scriptura obligari probabiliter dici potest. Hering. C. 7. n. 150. Excell. D. Suevus Velut. Justinian. 12. §. 9. l. C. cum & mutus testis testimonium suum in scriptis completi possit. de Muto consentit Trentler. d. Diss. §. 2. l. A. sed cur idem judicium de surdo non sit ferendum videre non licet, cum tamen in hisce terminis pares sint, nec probabilis ulla possit constitui differentia. Hering tr. suo alleg. loco. Coecus cum interroganti possit respondere fidejussorij obligationi recte accedit idem d. l.*

§. 15. Objectum fidejussionis seu materia circa quam est omnis generis obligatio sive Naturalis sive Civilis *l. 16. §. 3. b. r. §. 1. 7b. r. sive ex Contractu ea sit, sive ex Delicto l. 8. §. 5. l. 56. §. ult. l. 70. §. ult. b. r. sive Principalis, sive Accessoria l. 8. §. ult. b. r. (ita tamen ut tum accessoria respectu fidejussoris supervenientis habeat rationem principalis. l. 27. infr. b. r.) Sive pura sit sive sub conditione*

tione vel in diem §. 5. 7. *b. t. l. 70. in princ. ff. h. s.* live præsens live futura §. 3. 7. *b. t. l. 1.* In merè naturali obligatione verò fidejussor, cum effectu obligatus nō est, qualis est illa, cum quis ad *avriduea* tenetur, & promissio pudori alicujus relinquitur *l. 25. §. 11. ff. de hered. petit.* neq; in illā quæ à JCrīs reprobat, *per l. 41. ff. de cond. indeb.* sed necesse est ut naturalis obligatio talis sit, ut jus Civile ei effectus tribuat, ita ut quod solutum sit retineri possit. *l. 6. ff. b. t. l.* Pro civili tantum obligato intercedens fidejussor tenetur quidem, exceptione tamen principali suo competente, recte se tueretur. *l. 7. ff. de Except.*

§. 16. Exinde igitur fidejussorem pro conservanda dote à Marito ultro datum obligari putamus *arg. l. 8. §. 6. ff. de Fidei. cum & pignus hoc nomine ab eo dari, possit l. 7. §. 9. ff. de donat. inter. V. & ux. pignorum autem & fidejussorum idem sit finis princ. Inst. h. s.* quanquam, ut detur, ab initio cogi nequeat *l. 1. C. ne fidej. dotium dentur.* Si enim Credendam mulier se ipsam suamq; dotem Marito existimavit, quare fidejussor vel alius intercesor exigitur, ut causa perfidie in eorum connubio generetur. *l. 2. C. eod.*

§. 17. Etiam in delictis fidejussionem locum habere diximus, §. 15. Distingvimus tamen: aut enim reo ratione delicti commissi infligenda est pœna pecuniaria, & tunc fidejussor pro eo intercedere potest, ita ut etiam ad istam pœnam obligetur, *l. 56. §. final. ff. h. s. l. 1. ff. de custod. & exhib. reor.* aut reo infligenda est pœna corporis, & ita fidejussor ad eam nullo modo neq; expressè neq; tacitè lese potest adstringere. *l. 22. C. de panis cum nemo membrorum suorum Dominus sit l. 1. ff. ad L. Aquilium.* Sed si agatur de judicio sistendo, omninò tūm intervenire potest fidejussor, qui si caveat, reus interim à carceris molestiā liberabitur, quod ipsum tamen & num promiscuè talis admittendus sit, arbitrio judicis relinquitur, *l. 1. & 3. ff. de cust. reor.* Quod si fidejussoris dolo evaserit reus, extra ordinem potest puniri. *l. 4. ff. d. i. Baccho. in Wes. ff. b. t. n. 15.*

§. 18. Obligatio pro principali ad carceres cum excedat potestatem subditorum, idèo à fidejussore in utilis erit, cum sit executionis species in damnatum & contumacem, fidejussor autem nihil deliquerit. consentaneum ergò erit peccata suos te-

nere auctores l. 22. C. de panis & non ad executione sed ab ordinarijs remedijs procedendum.

§. 19. Forma consistit in intercessione, nulla enim est fidejussio si non adsit obligatio principalis, & hæc sublatâ, tollitur etiam illa, l. 45. ff. de solut. Ut verò intercessio ista legitime existat, necesse est fiat primo per stipulationem, est enim hæc de essentia fidejussionis. l. 5. §. 3. ff. de V. Obl. l. 12. C. b. r. quæ etiam quavis adhibitâ linguâ contracta dicitur §. 7. f. b. r. l. 1. §. 6. d. V. Obl. ita tamen ut uterq; alterius linguam intelligat, live perse sive per interpretem l. 1. §. 6. in fine. d. r.

§. 20. Hæc re cognitâ non inutiliter quæritur An inter absentes vel per epistolam stipulatio contrahi possit? de Jure Romano verum est stipulationem nō nisi inter præsentēs posse contrahi l. r. in pr. ff. d. V. O. §. 3. f. de in ut. stipul. adeo, ut, si contra-cturi non sint eominus constituti alter tamen alterum exaudiat, & intelligat, pro absentibus omnino habeantur, & stipulatio inter hos contracta sit nulla. Heringius ex Bartolo. C. 11. n. 8. §. n. 76. Equitate tamen & commerciorum ac communis utilitatis causa inspectâ, hodiernis præsertim temporibus, merito diversum statuitur, & hoc jure in foro nunc utimur, ut per literas fidejussionem contrahamus, stipulationis solemnibus usu quasi deservetis. Treutler. vol. 2. Disp. 28. §. 4. l. A. Gotofr. in l. 22. l. m. C. de fidei.

§. 21. Secundo necesse est ut sit proportionata & conformis Obligationi principali, sc. fidejussores ita obligari nequeunt, ut plus debeant quam debet is pro quo obligantur: Cum enim omne accessorium naturam principalis sequi necesse habeat, l. 178. ff. de R. J. Reg. 42. cod. in 6to. consequens erit in accessione plus esse non posse quam in re principali §. 5. f. b. r. Si verò majorem summam fidejussor quam reus principalis promiserit, puta si cum 20. essent in obligatione principali, ipse verò 30. promiserit, totane fidejussio erit in utilis, an ad concurrentem summam valebit? Sed tūc duæ dantur casus, Aut enim stipulatio facta est de majori summa, quam à reo debetur, & fidejussor quoq; talem promissit, aut stipulatio facta est de eadem quantitate, sed majorem promissit fidejussor. Illie tota obligatio inutilis est, si quidem natura accessionis conspicitur in adæqua.

adæquata proportionē, & dependentia ab obligatione principalis Et igitur si latius hæc pateat, hujus complexu contineri nequit. Hic verò ea subsistit; cum diversitas in quantitate in qua est concursus, nullam pariat quoad effectum obligandi diversitatem, cum eadem obligatio sit, & eodem modo & ad idem licet sit minus, majoriq; summæ in est minor *l. 83. §. 3. ff. d. V. Obl. & idem in constituto est proditum l. 11. §. 1. ff. const. pecun. Frantz. Exercit. 10. q. 7. n. 8. Bronchorst. C. 4. assert. 53. Bacchov. ad §. 5. Inst. h. s.*

§. 22. Efficacius tamen Fidejussor potest obligari fortioriq; vinculo ad eandem causam adstringi quam reus principalis e. g. si accedat obligationi naturali per se aliis invalidæ *l. 16. §. 3. l. 25. ff. h. s. vel juramento se adstrinxerit Exc. D. Suev. Velit. Just. 12. §. 10. vel Instrumento Gvarentigiato. (quod paratam habet executionem) obligationem suam confirmari Schönobell. Diffut. ff. 22. §. 9. aut adjectione pœnæ promiserit Wesenb. in w. h. s. n. 5. Treutl. all. l. l. F.*

§. 23. Sub pacto obstagij se obligantes an teneantur disquiritur? Obstagium vero est conventio jurata, aut aliter data fide confirmata, qua quis juxta obligationis formulam in loco convento se sistere debet non recessurus donec promissa adimpleverit. Jam ad rem. *Weringius. C. 17. n. 66. ex Sailero ostendit, si accedat obligationem hanc inter Germanos præsertim Nobiles fuisse usitatissimam imò ex Imperij constitutionibus non nisi in Imperio licitam, & per consequens approbatam, nec hic destituimur pro hoc rationibus, cum pacta servanda, l. 1. ff. de pact. obstagij finis bonus, scilicet ut Creditori satis fiat, valetq; instipulatione. §. 20. §. de inut. stipul. Guil. l. 2. obs. 45. Sed cum tale pactum Reipublicæ ob intolerabilem abalium destructionem minaretur, saluberrima constitutione penitus est abolicum Ord. polit. de Anno 1577. tit. 17. videt. et. Guil. l. 2. obs. de pac. publ. obs. 2. n. 6. In Hollatia tamen ut & alibi ad huc illud observari teneantur consuetudines istarum terrarum.*

§. 24. Finis fidejussionis est ut hæc ratione cautum sit Creditori *pr. §. b. 1.* non igitur liberetur oblatione pignoris qui fidejussorem dare obligatur *l. 21. §. ult. ff. de pecun. const.* Quamvis enim & fidejussionis & pignoris unus idemq; finis reperiat, tamen quia inter contrahentes ista conventum est pacta vero

dant legem contractui l.7. §.5. ff. de pactis l.1. §.6. ff. de pos. nec aliud pro alio invito Creditori præstari potest l.2. §.1. in fine ff. de reb. Cred. l.16. C. de solut. datio pignoris satisfactionem promissam supplere nequit.

§. 25. Effectus fidejussionis est ipsa obligatio qua tenetur fidejussor æq; ac principalis debitor, ac proinde ipsius quoq; heredes l.24. l.49. b. t. §.2. f. b. t. in contractibus enim ex pacto defuncti heredes tenentur l.49. ff. de O. & A. l.9. ff. de probat. l.152. §. ult. de R. f. l.13. C. de contrab. stipulat. Si unus fuerit in solidum convenitur, plures vero pro partibus hereditariis l.24. l.49. ff. b. t. quod tamen in delictis observare velle non erit rationis l.1. ff. de privat. del. quia per mortem delictum & pœna extinguntur l.6. ff. de publ. judic. nisi fortè ante rei mortem lis contestata fuerit. §.1. f. de perpet. & temp. act. l.26. l.58. de O. & A. Mortam autem debitoris Principalis fidejussori quoad augendam obligationem nocere non dixerim l.68. ff. b. t. nisi se in stricti iuris iudicii in usuras aut in omnem causam obligaverit l.54. ff. locat. l.5. C. de pactis inter empr. & vend. aut in bonæ fidei contractibus simpliciter nullâ expressâ quantitate fidejusserit, sufficit quod illa rei mora tantum incommoda afferat fidejussori quod diutius teneatur l.88. ff. de Verb. Obl. l.24. §.2. ff. de usur. ipsius fidejussoris moram quod attinet, dubium non est, quin ipsi merito noceat l.127. ff. de V. Obl.

§. 26. Sed utut eandem accessorius hic debitor cum principali susceperit obligationem; humanitatis tamen causa ipsi à Justiniano Beneficium Ordinis s. Excusationis concessum est per Novell. 4. C. i. ut jam non sit in arbitrio Creditoris, velit ne prius convenire reum principalem, an fidejussores & ceteros, sed cogatur prius convenire principalem, dummodo solvendo & præsens sit d. Novell. Hoc igitur beneficium cum ptimas ducat, etiâ primo explicandum erit.

§. 27. Excutere autem cum nihil aliud sit, quàm facultates alicujus discutere, & inquirere ut sciatur an sit solvendo nec ne l.1. §.9. ff. de Magistr. conven. l.2. ff. si quis omis. caus. l.1. C. de Revocand. his que in fraud. Seneca libr. 4. de Benef. C. i. in princ. nomina facturi diligenter in patrimonium & vasa debitoris inquirentes; D. D. aded rigorosam volunt excusationem ut fiat usq; ad factu-

sacculum & peram; imò ad indumenta non relinquenda, præter unicam vestem quâ corpus tegatur *Hering. C. 27. n. 6 & 7.* quib9 ita positis, satis apparet fidejussorem etiam post excusationem teneri adhuc posse saltem in id quod ex principalis bonis non fuerit completum *d. N. 4.* Si igitur prius conveniatur fidejussor quam reus, beneficium hoc Ordinis allegare, & hac exceptione se tueri potest *l. 40. ff. de Rebus Credit.*

§. 28. Id quod tamen fallit si Principalis absens sit, vel uterq; abiens, remotior verò principalis, ita ut sine magno negotio conveniri nequeat, tunc actio contra fidejussorem intenditur, qui tamen si dilationem petat ad sistendum principalem, audiri debet, quâ elapsâ, compellitur fidejussor satisfacere *Schneidew. ad §. 4. j. b. r.*

§. 29. Secundo si beneficio efficaciter renunciatum sit; Cum enim integrum cuiq; sit, his, quæ ipsa lege data & concessa sunt renunciare *l. 46. ff. l. 29. C. de pactis,* dubium non erit, quin & fidejussor beneficio excusationis renunciare possit.

§. 30. In renunciatione vero DD. non conveniunt, quidam enim renunciationem generalem sufficere volunt, cum ista generalitas extendatur ad omnia, nixi hoc canone, quod generalis dispositio tantum operetur quoad omnia, quantum specialis quo ad speciatim enumerata. *l. 51. ff. de Administrat. Tutor.* Verum cum hæc regula secundum alios adeò sit lata, ut percipi non possit cui juri renunciaret, neq; res, neq; genus intelligatur *Hering. C. 17. n. 41.* Commodum erit cognoscere quot modis renunciatio ab autoribus dicatur fieri.

§. 31. Fit autem 1. per verba generalissima ut si dixerò, renuncio omni beneficio juris, *l. 56. §. 3. l. 17. C. mandat.* 2. per verba generalia & subalterna, ut: renuncio omni juris ac legum auxilio fidejussoriò. 3. per verba specialia, cum nempe beneficio Excusationis, Divisionis & Cedendarum actionum nominatim renunciatum; Quocunq; horum modorum actionum nominatim renunciaret fidejussor, cum effectu renunciatum rentabimus.

§. 32. Incidit hic quaestio, An specialiter renunciasset censetur, qui cum juramento fidejussit? Respondemus, si simpliciter juratum sit, renunciatum non esse, juramentum enim sequitur naturam actus cui adjicitur. *l. final. C. de non numer. pec. l.*

*fin. al. ff. de liberal. caus. Reg. 42. in 6to. de R. J. C. 25. extr. de jure ju-
vand. & ultra eam non extenditur d. t. Natura vero hujus actus
(obligationis fidejussoria: sc.) hæc est, quod promittat fidejus-
sor, se velle pro reo principali teneri, & juramentum contra-
ctum muniri, non verò alterat, d. l. ult. C. de non numer. pecun. Si ve-
ro juramentum renunciationi adpositum sit, nemo dixerit fi-
dejussorem hoc beneficio uti posse. *Truth. Vol. 2. Diss. 28. §. 5. L. D.**

§. 33. Beneficium excussionis tertio locum non habet si
certo constet Principalem non esse solvendo. Frustra enim ad-
versus eum excussio instituitur, qui nihil in bonis habet, & nul-
lam videtur actionem habere cui propter inopiam adversarij
inanis actio est l. 6. ff. de dolo. Constat autem principalem nō esse
solvendo 1. per famam vicinorum 2. si debitor juret se nulla
bona habere 3. si bonis ceserit. 4. Si bona debitoris publicata
sint quod planam inducit notorietatem. *Hering. C. 7. n. 200.*

§. 34. Quarto Beneficium hoc amittitur cum fidejussor
falso se fidejussorem esse negat, argum. l. 10. §. 1. ff. h. s. & deinceps
de mendacio convincitur, quia mendacium oderunt leges plu-
rimisq; in locis pœnæ subjiçunt. §. 10. J. De susp. Tut. l. 80. ff. d. R.
Vind. l. 22. in fine ff. de re judic. Novell. 18. C. 10. tum etiã juris est
apertissimi quod nemo debeat habere fructum ex eo quod au-
sus fuit improbare l. 8. §. 14. ff. de inoff. Test. Rittersb. ad §. 4. Inst. de
publ. jud. Nihil magis contrarium iustitiæ & Veritati, (quæ ani-
mæ Reipubl. est) quam falsum & mendacium. *Senec. libr. 1. Epist.
79. Quæ decipiunt nihil habent solidi, veritas in omnem sui partem
semper eadem est.*

§. 35. Quinto ceslat Beneficium hoc si fidejussor debi-
tori succederit, tunc enim convenitur non ut fidejussor, sed ut
heres debitoris l. 13. ff. de duob. reis l. 95. §. 3. ff. de solut. Cæterum
D. D. hic non inutiliter Quærete solent: An fidejussor. principi-
ali suo heres existens, & ante aditam hereditatem inventarium
conficiens, ultra illud teneatur? & distinguendo respondent si
respectu propriæ personæ fidejussor conveniatur, illum bene-
ficio hoc non jvari, sin vero nomine Principalis, hoc se legis
auxilio posse defendere. Verum cum Creditor si Principalis bo-
na non sufficiant, ad fidejussorem habeat regresum, ita ut de
suo defectum suppleat, l. 36. ff. de bon. libert. l. 4. C. de emanc. liber.
distin-

distinctioni non erit incumbendum, sed potius Rolandi à Valle quem allegat *Hering. C. 20. §. 16. n. 37.* sententiæ innitendum, qui fidejussores conventum, licet inventarium confecerit, in solidum teneri defendit *Berl. part. 2. concl. 24. n. 53. quoad jus communi.*

§. 36. Neq; obtinet Sexto si statuto vel consuetudine loci aliter sit receptum, quemadmodum in Imperiali Norimberga observari notat *Rittersh. §. 4. J. b. t.* fieri verò posse ejuscemodi statutum ex eo imprimis ostenditur quod beneficium hoc sit juris Civilis *Auth. presente C. b. t.* & ideo etiam desuetudine rursus tolli potest Quod innuit Imperator Justinianus in *§. 11. J. de jure Natur. Gent. & Civ.* item Julianus *l. 32. ff. de ll. receptum* ut leges non solum suffragio legislatoris, sed etiam tacito consensu omnium per desuetudinem abrogentur *Arumans exercit. l. 21.* alleganti tamen consuetudinem incumbet probatio. *l. 1. G. qua sit longa consuet.*

§. 37. Superioribus non incommode annexitur Quæstio An Fidejussor obligans se ut Principalem habeat beneficium ordinis? *Schneidev. ad §. 4. J. b. t. n. 11. distinguit.* Aut fidejussor constituendo se Principalem, facit hoc animo novandi, i. e. ut obligatio in persona Principalis debitoris extinguatur, atq; in se per novationem transferatur; tunc indistincte poterit conveniri: Aut fidejussor non constituit se Principalem animo novandi, sed celebratus est actus fidejussorius & tunc non obstante illa clausula, locum habebit excussionis favor. & hæc æqua & communis opinio putatur.

§. 38. Quoad priorem casum dubitandum non videtur, cum ex conventionem contractus legem accipiant, *l. 16. §. 6. ff. de posu.* & suæ habeat facilitati quod ita convenit, fidejussor enim talis ob animi novandi prorsus desisse credendus. In posteriori si nuda spectemus verba videntur illa excussionis subtilis exceptionem, sin verò eorum effectum, neutiq; naturæ contractus derogant, quia contractuum conditio & origo est attendenda, & notissimum, quod omnis fidejussor gaudeat beneficio excussionis, & hinc igitur non simplex verborum conceptus sed vis contractus est inspicienda. *arg. l. 17. ff. de ll.*

§. 39. Alii ex paritate rationis quæ est in *l. 3. C. b. t.* id deducunt

ducunt, eò quod beneficium divisionis fidejussorib; in solidum se obligantibus nihilominus competat, quod multum movet; Si enim specialis illa obligatio, ut singuli in solidum teneantur beneficium divisionis non remover, idem in hoc casu erit dicendum arg. *l. 12 & 13. ff. de. ll.* Sed & illud statuendum, quod fidejussor, licet excussionis beneficio renunciaverit, nihilominus tamen conventus à Creditore, deponendo expensas petere possit, ut excutiat principalis suo periculo, suisq; sumptibus, cum hoc modo Creditoris non intersit *D. Habn. h. t. n. 6. p. m. 661.*

§. 40. Et sic quidem fidejussori prospectum contra Creditorem voluit Legislator, quo tamen beneficio non ipso jure tutus est fidejussor, sed per modum demum exceptionis, & exceptio hæc dilatoria est, in specie non pertinens ad merita causæ. *Frantzk. exerc. 10. Q. 8. n. 6.* Cum totam rem nō perimat, sed suspendat, & ad tempus tantum Creditori noceat §. 10. *f. de except. l. 2. ff. eod.* opponenda autem ante litem contestatam *l. 19. C. de probat.* postea enim non attenditur, *l. 5. l. 16. C. b. t.* & suæ negligentia pœnam luat, qui justo tempore non exceperit, jura enim vigilantibus scripta sunt *l. 24. ff. quæ infr. Cred.* usu tamen observari quod ea & post litem contestatam recte opponi possit habet *Habn. ad Wesenb. h. t. n. 5.*

§. 41. Quærimus insuper, An is qui pro naturaliter tantum obligato intercescit possit uti beneficio Excussionis? Quid negandum, quia Principalis ejus excuti nequit *Trentl. Disp. 28. §. 5. L. D.* Sicut nec is qui judicio sisti aut judicatum solvi spononderit *Hering. d. C. §. 1. n. 318.* An autem judicialiter principalis excuti debeat? Pragmaticorum controversia est; Judiciale tamen requiri statuimus tenore *N. 4. C. 1. & Auth. Præfente. C. b. t.*

§. 42. Secundum beneficium plurium confidejussorum personas concernit, & vocatur Beneficium Divisionis, autorem habens Hadrianum *l. ult. C. de Constituta pecunia* Licet enim singuli obligationem principalem suâ fide subeant, *l. 3. C. b. t.* nihilominus tamen exceptione Epistolæ Hadriani gaudent, sc. ut obligatio inter eos dividatur, & non nisi pro virili portione conveniantur, modo litis contestatæ tempore solvendo sint. *§. 4. 7. l. 10. l. 26. 27. l. 32. ff. b. t.* alioquin si unus eorum solvendo non sit, id ceteros onerat. *l. 23. C. b. t. d. §. 4. Infr.*

§. 43. Hæc

§. 43. Hæc exceptio utut in plurimis cum priori conveniat in eo tamen maximè ab illa differt quod etiam post litem contestatam, tamen ante condemnationem opponi possit *l. 10. C. b. t.* etiam si unus pure alter in diem vel sub conditione acceptus sit *l. 27. b. t.* nec tantum fidejussoribus, sed etiam hereditibus eorum competit *d. l. 27. §. 3. l. 49. §. 1. ff. b. t.* modo fidejussores omnes solvendo sint *d. l. 3. C. b. t.* nam ut dictum, si quis ante litem contestatam bonis lapsus sit, id confidejssores onerat §. 4. *J. b. t.* post item contestatam seu actiopem divisam si quis solvendo non sit, id ad ceterorum onus non pertinet, sed ipsi Creditori nocebit, cum post litis contestationem petitionem divisam sed integrari, juris ratio non patitur *l. 16. C. b. t.*

§. 44. Beneficium hoc locum non habet si eidem efficaciter renunciatum sit per *l. penult. C. de pact.* id vero fit vel expressè cum Beneficio Hadriani nominatim quis renunciat, vel tacitè per factum ipsum, si videlicet patiatur integram solutionem à se exigi neq; exceptionem opponat. *Rittersh. ad §. 4. Si plures J. b. t.* Neq; inficiantibus, & de aperto mendacio convictis, est indulgendum *l. 10. §. 1. ff. b. t. Schnobel. Disput. ff. 23. §. 11.* Cessat quoq; inter fidejussorem ipsum & ejus fidejussorem alium cum hoc loco ille rei principalis vicem obtrineat. *l. 27. §. ult. ff. b. t.*

§. 45. Jam succedaneum est Beneficium Cedendarum Actionum: hinc si quis fidejussor omisâ dividendi exceptione solidum solverit, à confidejssoribus nisi cessa sit actio, nil recuperabit, cum per solutionem debiti sublata sit omnis obligatio. Ut autem recuperet, beneficio cedendarum actionum ipsi contra confidejssores suos succurritur *l. 17. l. 36. ff. b. t. l. 11. C. eod.* Sed ista exceptio ante solutionem opponenda est. Ubi enim jam solvit fidejussor, omnia planè perempta est obligatio, per consequens & actio. Nec superest ergo, quod cedi possit. Sed & potest ea legeolvere fidejussor, ut sibi deinde cedantur actiones, tum enim perinde est, ac si ante solutionem cessæ fuissent.

§. 46. Cessione vero jam facta & quidem in solidum, cum tale jus transferatur in solventem, quale Creditor habet arg. *l. 2. C. b.* Fidejssores vero Creditori in solidum sint obligati *l. 26. ff. b. t.* Is qui Creditori satisfecit, illud solidum à confidejssore

repetere potest, quod tamen cum mica salis intelligendum: Nam si renunciatum est beneficio divisionis, recte ab uno solidum petitur, cum non habeas exceptionem quam possit obijcere Creditori, ergo nec Cessionario in quem omne jus à Creditore translatum est *all. l. 2. C. h. r.* posteriori casu si renunciatum non est, Fidejussor à confidejssore conventus perinde se beneficio Divisionis tueri potest, ac si à Creditore conveniretur, quod enim Creditor jus non habuit in alterum transferre non potuit *l. 54. ff. de R. J. Hering. C. 27. §. 4. n. 35.* idè à singulis pro rata ut repetat necesse est.

§. 47. Beneficium hoc ad exemplum Excussonis & Divisionis in quibusdam cesat, non enim habet locum si fidejussorem quis abneget. *arg. l. 10. §. 1. ff. h. r.* Si renunciatum sit, non minus enim renunciatione amittitur quam reliqua beneficia, maximè juramento adhibito. *l. penal. C. de pact. Hering. C. 27. §. 3. n. 20.* non tamen hic talem renunciationem intelligimus, ut fidejussor quod solvit planè recuperare nequeat, & ita omne jus suum remisisse censeatur, sed tantùm, ne adversus Creditorem exceptione cedendarum executionem retardare possit: Solutione igitur decretà, fidejussor ut cedantur sibi actiones contra confidejssores à Creditore petere potest, cum in renunciatione respectus sit habitus ad Creditorem non etiam ad debitorem & confidejssores, alias, ac si donandi animo facta esset, haberetur, quod in dubio ubi alia conjectura capi potest non est dicendum videatur *Heigius part. 1. quaest. 28. n. 37. 38. & seq.* plures cessantias habet *Hering. d. loco.*

§. 48. Cum nemini officium suum debeat esse damnosum *l. 7. ff. testam. quemadm. aper. l. 140. ff. de Reg. J.* fidejussori datur actio contra reum principalem, ne dispendium patiatur unde potius præmium videtur meruisse *C. 2. extr. de fidei* quæ est mandati contraria §. 6. *J. l. 4. ff. h. r.* ad recuperandum id quod pro eo solutum est; videtur enim reus principalis id ei mandasse ut solveret, qui mandavit ut se obligaret *l. 47. ff. de condict. indeb.* idem obtinet si pro præsentè & tacente fidejusserit aut solverit *l. 6. §. 2. l. 18. ff. mandas.* sin vero pro absente negotium gestum sit, negotiorum gestorū actio servatur, mandati enim actio non potest

potest competere, cum nullum antecesserit mandatum *l. 20. §. 1. ff. mandat.* ex post facto si gestum rati habuerit debitor, ipse obstringitur mandati actione. *l. 60. ff. de R. J.*

§. 49. Utraque actio quod possit intendi confirmatur, per *l. 4. ff. h. t.* & quidem post solutionem tantum: Nam regulariter ante solutionem fidejussor nullam contrarium actionem habet, si autem agat probare tenebitur se ex fidejussionis causa solvisse, qui licet solverit, ante diem tamen, expectare diem debet quo eum solvere oportuit *l. 31. ff. h. t. l. 22. princ. ff. mandat.* tamen aliquot casus quibus etiam ante solutionem cum principali agere licet. Videlicet si ab initio convenerit, ut ante solutionem teneretur *l. 10. C. Mandat.* vel si bona sua dilapidare debitor inceperit *l. 38. ff. mandat.* Si condemnatus sit, sententia enim lata paratam habet executionem *l. 59. ff. de Rejudicat. l. 2. C. de execut. rei jud.* Si reus in solutione nimis diu cessaverit *d. l. 38. §. 1.* non enim in ancipiti quis fluctuare debet perpetuo *arg. l. 3. in fine ut in possesf. legat.*

§ 50. In contrarium fidejussor omnino nullam habet actionem si pro invito & vetante intercesserit *l. 6. §. 2. l. 53. ff. mand.* Si donandi animo fidejusserit *d. l. 6. l. 4. ff. negot. gest.* Si rei turpi ex mandato se obligaverit, turpis enim rei nullum est mandatum. *§. l. 6. §. 3. ff. mand.*

§. 51. Haftenus de constituendo Fidejussore actum, restat nunc ut de liberando brevibus nos explicemus; fitque vel jure ipso, vel per exceptionem, Ibi quidem solutione ejus quod debetur *prin. J. quib. mod. toll. ea que* vel a principali, vel a fidejussore facta, *d. pr.* quippe cum talis solutio geminam liberationem pariat, modo totum debitum sit solutum *l. 64. ff. eod.* Acceptilatione, quae imaginaria est solutio *§. 1. J. quibus modis toll.* Solutionis tamen vera effectum habet *l. 5. 16. 17. ff. de accept.* Novatione *l. 60. ff. h. t.* modo in sequenti se non obligaverit *l. 4. C. h. t.* Confusione *l. 93. §. finalis ff. de solut.* Si enim fidejussor principali succederit, fidejussio confusione perempta intelligitur *l. 14. ff. h. t.* conventus vero non ut fidejussor sed ut principalis tenetur *l. 5. ff. h. t.*

§. 52. Cognito jam quomodo ipso jure liberetur fidejussor, ope exceptionis quomodo solvatur obligatio videndum est, & notandum quod exceptiones aliz sint Reales aliz Personales

nales: Reales cum ex ipsa re originem habeant *l. 7. §. 1. ff. de except.* fidejussoribus absolute competunt, etiam invito reo *l. 19. ff. eod.* Personales vero cum personarum principalis in hæreant, fidejussoribus neutiquam profunt, cum privilegia personalia personas suas non egrediantur *l. 68. l. 165. de R. 7.*

§. 53. Recte autem se tuebitur hdejusor exceptione pacti de non petendo *l. 27. §. 2. ff. de pactis.* Rei judicatae exceptione, cum enim sententia adversus debitorem lata etiam fidejussorem gravet, & solutioni subiciat, *l. 5. ff. de appell.* æquum est ut sententia pro reo lata ipsi vicissim prosit. Sic & Præscriptionis exceptione, propriæ enim culpæ tribuat creditor si tempus actioni præscriptum neglexerit *Trentl. vol. 2. Disput. 29. §. 7. L. B.* Compensatione cum reus principalis actionem repellat recte etiam fidejussor tutus erit *l. 4. ff. de compens.* Compensatio enim est species solutionis, & nihil interest solverit debitor an pensaverit *l. 4. ff. qui poti. in pignor.*

& hoc est quod pro viribus de hac materia tractare volui, sicubi erratum id æqui bonique Benevolus Lector consulat, & ad majora suscipienda nos non leviser instigabit.

Deo pro suffectis viribus &
ope præstitâ, immortales devotissimo
pectore deferimus grates.

